

贛縣鄉土志輯稿

tw250.193

539

21

tw243.98

53

贛縣鄉土志

邑人 陳瀛舫仙編輯

謝揚先言卿註釋

江西省 古豫章

我贛地 居南方

贛何名 合章貢

二水流 東西並

虎頭州 非佳名

虔改贛 宋紹興

文華閣

贛州府 有十屬

東南長 西北削

我贛縣 為首邦

縣治地 偏東南

龍長定 連廣東

信豐縣 亦相通

虔南廳 是新設

龍信連 七堡割

唐分十道曰江南道後以蘇省為東道章省為西道故曰江西豫章以水得名贛居江西省之上游南連廣東故曰南方章貢為贛取名二水亦曰雙江

虔字虎頭故曰非佳名宋董德元奏言紹興二十三年奏改

贛縣雲都縣信豐縣興國縣會昌縣安遠縣龍南縣長甯縣定南廳虔南廳共八縣二廳俱在東南上游西界南康縣北界萬安縣贛縣為府治之首

西北章水雲泉二鄉界南康龍泉萬安三縣東南長興愛敬大田四會四鄉界信豐安遠雲都興國四縣龍南長甯二縣毗連廣東省治界定南廳水流廣東信豐縣亦通廣東南雄境清光緒三十年奏設

龍南縣太平堡不願入籍後復回龍南籍

會昌縣 界瑞金

東北界瑞金縣西界安遠縣東南界福建武平縣西北界雩都縣

安遠縣 是西鄰

安遠縣東北界會昌縣東界長甯縣東南界廣東嘉應州西界信豐縣西南界廣東境

雩都縣 貢江東

雩都縣東界瑞金縣南界會昌縣南界信豐縣西北界贛縣兼興國縣

下臨贛 右連興

興國激江水流雩都界入贛匯貢江

興國縣 界吉安

興國縣北界廬陵縣東北界永豐縣東界寧都州東南界雩都縣西南界贛縣西北

泰和縣 居東方

界泰和縣居贛州府治之東方

贛縣地 分六鄉

大由鄉四會鄉章水鄉雲泉鄉長興鄉敬愛敬鄉共六鄉

東雩興 西南康

贛縣東界雩都興國二縣西界南康縣西北界龍泉縣北界萬安縣

文華閣

信居南 四會界

縣治南至四會鄉之四頭鋪一百一十里為信豐縣界四會鄉南界信豐縣北界大由鄉東

下大由 臨城闕

界雩都縣西界南康縣大由鄉南界四會鄉北抵縣城東界雩都縣西界南康縣

章水鄉 居西邊

章水鄉西界南康縣東界長興鄉南界大由鄉北界雲泉鄉

北流下 抵雲泉

雲泉鄉南界章水鄉北界萬安縣東界長興鄉西界南康縣西北界龍泉縣

愛敬鄉 雩都隘

愛敬鄉東南界雩都縣西北界長興鄉兼連興國縣境

長興鄉 興國界

長興鄉東南界愛敬鄉西北界大由鄉兼連興國縣境

章水源 聶都山

聶都山在崇義縣界章水出焉為北源

崇義界 通湖南

通湖南桂東縣界

入贛地 會蓉江

蓉江南康縣水出南安府大庾縣西為章水之南源

蓉江水 出南安

南安府連廣東南雄邊界

繞贛西 流萬安

繞贛西而下至龜角尾會貢江北下流至良口市為萬安縣界計一百二十里

貢水源 出新樂

新樂山在瑞金縣邊界

福建界 汀州麓

福建省汀州府長汀縣界

經瑞金 合梅水

梅水出甯都州梅嶺

入會昌 湘水匯

湘水出會昌縣項山

過雩都 合潑江

潑江出興國縣

文華閣

桃江水 來西南

桃江出龍南縣冬桃山故名

桃水源 冬桃山

冬桃山在龍南縣界連廣東翁源縣界下至龍南縣城一百五十里由龍南縣經

過龍信 入貢江

信豐縣至府城三百二十里

贛東流 匯龜尾

龜角尾有八境臺建於城上為章貢三水合流之處

合章江 名贛水

贛水為江西省之幹流故稱江西為贛省

贛水下 有儲山

儲山王莽篡漢有儲老以兵五百人據大庾嶺今山下有儲君廟最靈或以此老得名

前嶂高 水灣環

儲潭下 十八灘

白澗灘天柱灘惶恐灘石筍嶂岩灘之最險者舟子常病之實為贛州之門戶

最險要 固金湯

論山脈 發梅關 梅關在大庾縣界通廣東南雄大道贛山發脈於此

大庾嶺 為後牆 大庾嶺一曰梅山為江西全省後障

南跨粵 北抱江 大庾嶺南跨廣東北抱江西

中脈延 結贛山 由大庾嶺經南康信豐縣界下結贛州

起羅龍 聳峯山 羅龍在四會鄉五八都之邊境峯山在大由四會二鄉之界

瑩崗竦 標層巒 瑩崗在大由鄉距城六十里

蜿蜒下 臨贛江 下至贛城二水合流而止

文華閣

立城池 形勝觀

東閩浙 西湖南 東界福建浙江二省下連安徽為右幹西界湖南省下連湖北為左幹

左右抱 會廬山 廬山在南康府星子縣為江西之前嶂

鄱陽湖 贛水聚 鄱陽湖在鄱陽縣為贛水之總匯處

出湖口 長江匯 湖口縣為江西之總水口入長江

計道里 閩廣通 贛州為閩廣之咽喉南通廣東省東通福建省

二百四 南安城 由贛州至南康縣八十里由南康縣至南安府城一百六十里共二百四十里由南安府至廣

三百六 至南雄 東南雄州一百二十里合共三百六十里

東往雩 一百五
至會昌 三百數
由贛州至雩都縣一百五十里由雩都縣至會昌縣一百五十里共三百里由會昌縣至瑞金縣八十里由瑞金縣至福建長汀縣界八十里合共四百六十里

經瑞金 過長汀

四百六 計路程

萬安界 百二十
由贛州下至良口萬安縣界一百二十里

至省城 千二驛
由贛州下至省城一千二百里

計京師 五六七
由贛州至京師五千六百七十里

攷沿革 贛最古

文華閣

山海經 詳郭註
山海經晉郭璞註贛州山內有贛巨人故以名贛

贛巨人 名以著
贛州為百越之地

在春秋 百越地
贛州屬南粵

南粵平 贛地隸
贛州屬九江郡

秦置郡 屬九江
贛州為淮南王藩屬

漢高帝 改淮南
贛州屬豫章郡

淮南王 置豫章
贛州屬豫章郡

贛雩屬 為藩疆
贛雩同為藩屬

吳王濞 國祚傾

贛州為吳王藩地

孫策起 置廬陵

贛州屬廬陵郡

孫權時 隸南部

贛州隸南部都尉

置都尉 贛地附

贛州隸南康郡

晉太康 罷都尉

改南康 治二水

宋齊因 仍為郡

徙南康 治贛境

徙南康郡治於贛州

文華閣

陳領郡 隸江州

南康郡隸江州所屬

隋文帝 改虔州

改南康郡為虔州統贛縣雩都虔化南康四縣

唐貞觀 分十道

虔州隸江南西道

隸江南 屬西道

後梁起 置百勝

後梁開平四年於虔韶二州置百勝軍節度使

後唐興 改昭信

後唐昇元元年改百勝軍為昭信軍節度使治虔州

宋開寶 下江南

宋初改昭信軍為軍州虔州隸江南西路

分西路 置南安

淳化元年以虔州之南康大庾上猶三縣置南安軍

紹興間 虔改贛

宋紹興二十三年改虔州曰贛州領縣十甯都屬焉

二水名 合章貢

取章貢二水合流為贛

元升路 設總管

元至元十四年升為贛州路總管府五年立江西湖東道移省於贛州十七年併入福建行省立宣慰使

置行省 隸閩廣

明宏治 設巡撫

明宏治七年設巡撫都察院於贛稱虔院

贛州路 改為府

明太祖吳二年改贛州路為府領縣十

國朝興 罷撫署

分巡道 兵備處

設分巡吉南贛甯兵備道治贛

文華閣

我贛州 沿革史

數千年 詳府志

論政績 王陽明

平巨寇 啟儒宗

設學校 化愚氓

橫水平 桶岡破

設崇義 賊風挫

泃頭賊 池仲容

明王守仁字伯安浙江餘姚人讀書陽明洞故稱陽明先生宏治十二年進士以都御史巡撫南贛其學以致良知為宗討平橫水桶岡諸賊奏設崇義縣擒叛逆朱宸濠封新建伯歿贈新建侯謚文成公立專祠於贛列入祀典

率渠魁 悉就擒

開講堂 論理學

致良知 道統續

過化先 周濂溪

趙清獻 亦同時

琴鶴堂 留遺蹟

愛蓮池 通判宅

唐李勉 宗室卿

文華閣

官贛州 有政聲

鬱孤臺 生感慨

易其名 建望闕

州之人 紀功德

去思碑 遺愛在

明季時 贛最著

忠義氣 昭千古

楊廷麟 堅守此

宋周敦頤字茂叔嘉祐間為虔州通判卒謚元公從祀孔廟

宋趙抃字閱道景祐初年進士及第知虔州卒謚清獻

一琴一鶴表其清廉建琴鶴堂今在學院二堂

周子愛蓮池通判舊宅今在贛縣高等小學堂

唐李勉字元卿唐宗室

李勉登鬱孤臺北望慨然曰余雖不及子牟心在魏闕一也

望闕臺今在府學堂上棟右側

碑在望闕臺下

明楊麟字伯祥清江人崇禎四年進士與萬元吉憑城守贛大兵登城廷麟戎

大兵入 投水死

服佩刀走西城投清水塘死謚忠節祀忠義祠今清水塘有碑暨立

清水塘 暨碑紀

萬元吉 亦同殉

明萬元吉字吉人南昌人天啟五年進士官兵部尚書與楊廷麟督師守贛城破投水死謚忠節入祀忠義祠

城破時 身自盡

郭維經 協守城

明郭維經字六修龍泉人天啟五年進士官吏兵二部尚書督師援贛城破時入嵯峨寺自焚死謚忠節入祀忠義祠今嵯峨寺有碑暨立

嵯峨寺 身自焚

姚奇允 彭期生

明姚奇允字有璞浙江錢塘人明彭期生字觀民浙江海甯人楊文薦黎遂球吳安世主事周珣通判王明及給事中葛發祥主事龔崇林琦王其宏

官紳輩 十數人

文華閣

同盡節 死孤城

忠義祠 隆祀典

殉難處 碑碣顯

表忠臣 垂久遠

國朝興 有佟公

立善政 便民生

生祠祀 至今存

湯文正 步後塵

清佟國器字匪石遼東人由明經巡撫南贛國初時疏奏多便民事

興利除弊州人立生祠祀之今祠在府學字前請入名宦

清湯斌字孔伯河南睢州人順治九年進士以翰林檢討陞出領北參政官贛州生平所學于主刻

主刻勵 求實行

勵實行歿入祀文廟

查清阿 興學校

清查清阿號芸圃滿州鑲黃旗人由部郎授贛南道設義學子建義倉修濂溪書院捐俸七百餘金增置田租勒石以垂久遠

修書院 宏教育

咸豐年 髮匪亂

周玉衡 堅守贛

援吉安 身殉難

貞恪祠 祀典尚

汪報閏 亦與儔

文華閣

護巡道 修礮樓

借兵餉 保贛州

論鄉賢 始曾準

師濂溪 傳道統

一門賢 皆英俊

與同時 有陳炳

臥壘崗 稱高隱

包孝肅 師事之

清周玉衡號潤山湖北荆門人以舉人陞授贛南道督師援吉安府城破殉難謚貞恪御賜葬祭碑文貞恪祠在學院左側

清汪報閏號桐階江蘇山陽人道光初年恩蔭主事調補贛州府周玉衡援吉安報閏

護理巡道印逆匪圍贛報閏馳稟粵督借兵借餉城以保全贛人祀入佟公祠

宋曾準字子中贛縣人嘉祐八年進士周子判虔州準與深相契洽其傳序稱子中實虔州儒術之先卒祀鄉賢子孫楹開幾皆為名臣俱入鄉賢祠

宋陳炳字晦之贛縣人結廬壘崗躬耕樂道著文權十卷白雲編二十卷包拯知瑞州時過度師事之卒為銘其墓崇祀鄉賢祠

銘其墓 沒堪思

陽孝本 奉議郎

乞歸隱 通天巖

道味濃 世味淡

東坡訪 有題贊

夜話亭 傳遺像

國初時 鄧元昌

講道學 開門牆

文華閣

宋昌圖 是高足

羅臺山 變所學

鄉賢祠 祀典續

仕績著 鍾紹京

凌煙閣 圖功臣

宋劉炳 附唐介

彈外戚 免官卒

曾叔夏 知福州

宋陽孝本字行先贛縣人學博行高
熙寧中游上庠休養未嘗出外崇寧
中舉八行解褐國子錄再轉博士乞休
朝廷寵以奉議郎歸隱通天巖蘇
東坡造訪題其像贊同謁濂溪祠
夜話其間今祠內有夜話亭石勒二
人遺像在焉沒崇祀鄉賢祠

清鄧元昌字慕濂號自軒贛縣人歲
貢生不樂仕進讀書務求實踐居家處
世人無間言雋都宋昌圖從之游學大進作
持敬主一二銘授瑞金羅臺山臺山素治兵

家言昌圖引以見鄧自軒遂盡
變其所學卒為理學祀鄉賢

清光緒十年縣人陳君存懋重修文廟
稟請入祀鄉賢

唐鍾紹京字可大贛縣人後隸興國工
書法號小鍾官太子右諭德贈太子太
傅宣宗大中初繪像凌煙閣入祀鄉賢

宋劉炳字韜仲贛縣人慶歷六年進士
官郎中以附唐介彈外戚免官卒
祀鄉賢

宋曾楙字叔夏贛縣人曾準仲子元
符三年進士紹興中知福州從孟太后

從孟后 至虔州

至虔軍民亂賴以撫定累官吏部尚書著有內外制東宮日記卒祀鄉賢

軍民亂 撫安周

桑梓地 見經猷

劉丞直 按浙江

乞歸隱 空尚山

雪樵詩 今已亡

宗超海 知竹谿

集義勇 守城池

文華閣

援兵至 解城圍

湖北巡撫奏請入祀名宦

斬賊目 相機宜

全境平 積勞沒

真賢良 士民愛

請祀典 名宦入

論兵事 賴最多

俗强悍 盜賊窠

界閩粵 疎網羅

賴為廣東福建二省之通衢三省交界故多漏網

明劉丞直字宗弼賴縣人元至正進士歷潮州同知入明薦為博士洪武二年拜浙江按察司僉事以疾乞歸家在空尚之陽自稱空尚雪樵以壽終著雪樵詩集行世

清宗超海字駿庵號雲峯賴縣人乾隆廿五年舉人由廣昌訓導選知湖北竹谿縣枝宜賊起圍城屯聚水坪山適文總戎領兵至超海與追斬賊目陳周宗等境賴保全積勞沒於官

漢築城防趙佗

漢灌嬰築城於贛防粵王趙佗也

六朝地偏江南

六朝時贛為江南偏安之地

中原擾北狄強

西北各省俱為胡虜割據

南徼地任跳梁

隋唐後并一統

外寇除清邊境

閩廣賊起韶汀

謝景初帥義兵

文華閣

誅元惡救脅從

祀名宦紀功勳

五代時盧光稠

虔韶地據二州

譚全播為叅謀

籌畫善取潮州

稠子亂歸黎求

黎求死彥圖收

韶州汀州盜賊紛起

唐謝肇字景初贛之衣錦鄉人後隸興國乾符中從父帥義兵征討以戰功為安撫江嶺都

護後改韶州刺史會寇起汀建逼虔遷百勝軍防禦使以功進爵會稽子卒祀梧州名宦

盧光稠南康人據虔韶二州地以譚全播為叅謀遣兵取潮州獲之光稠死全播立其子延昌其將黎求殺延昌自立全播稱疾不出未幾求暴卒其將李彥圖自立全播益懼愈稱疾篤杜門自絕後彥圖死州之人強起全播而立之全播乃遣使請命於梁拜防禦使治虔州七年有善政後為楊吳所滅虔州遂入於吳

州之人 慕全播

全播起 人附和

始通梁 稱防禦

歸揚吳 為屬地

宋紹興 驚孟后

詔屠城 慘莫救

岳忠武 力疏爭

保全賴 不殺人

文華閣

精忠祠 祀典隆

明一代 伏莽多

橫水賊 桶岡酋

時出沒 擾山陬

洲頭賊 更為虐

王陽明 費征討

三寨平 一時掃

立城池 扼險要

宋紹興中曾叔夏從孟太后至虔軍民囂亂驚孟后詔遣岳飛督兵屠城飛至虔上疏力爭保全賴城賴人建精忠祠祀之

賊首謝志山蕭桂謨等盤踞八十餘巢擾害邊境

賊首池仲容搶劫肆虐

三寨橫水桶岡洲頭也

奏設崇義縣

數百年邊境服

國朝興獲安靖

百餘年昇平慶

洪髮逆起粵疆

金陵據溯贛江

贛州地盡遭殃

保城池陳春山

起義勇設團防

文華閣

堅守禦保平安

鍾紫樞帥銳勇

平鄉寇最勇猛

解信圍清雩境

贛州地獲安靖

名勝境有三山

五嶺峙八境望

筆峯山在東南

清道光末年洪秀全起廣西桂林府

洪逆據都金陵遣偽翼王平江西圍贛

清陳傳曜號春山贛縣人歲貢生成豐三年
巡道周玉衡委辦團練募勇數千調度有
方城以保全平定後以功歷保選崑山知縣未
赴任卒

清鍾凌雲號紫樞贛縣人諸生先
是廖人傑帥銳勇攻王母渡為賊所
困力戰死之紫樞接統勦平鄉寇解
信豐圍清雩都境以功保選訓導
未赴任卒

贛州名勝有三山五嶺八鏡臺之
語

筆峯山在濂溪祠內

東勝山 立其旁

東勝山在筆峯山之右旁

夜觀山 居東坊

夜觀山在東大街內側水窗口

田螺嶺 西北隅

田螺嶺在西北隅鬱孤臺建其上
一名賀蘭山

全城地 形勝居

金圭嶺 府衙前

百家嶺 縣署連

獅古嶺 在東角

桂家嶺 中心凹

文華閣

章貢臺 有遺蹟

章貢臺在郡城西北隅今廢

鳳凰臺 同時立

鳳凰臺在龜岡今廢

八境臺 多題詠

八境臺在城北因城為臺高三層俯
臨章貢名人與士多題詠詩句

鬱孤臺 稱名勝

鬱孤臺在田螺嶺上高三層俯瞰全
城

浮屠塔 高九層

塔在慈雲寺內唐尉遲敬德監造磚
上有尉遲監造四字

登憑眺 多遊人

未有城 先靈山

俗傳未有贛城先有靈山其廟之古可知
國朝黃憲清有靈山廟詩

古榕樹 雙盤桓

廟前左右二榕樹盤桓蔭護其古老真千年
物也國朝金正儀黃憲清李本仁有榕樹歌